

Publicaziun

en il fegl uffizial dal chantun Grischun dals 03-05-2024

en il Fegl Ufficial Surselva dals 03-05-2024

Exposiziun publica dal project forestal

Reservuar d'aua per stizzar fiu Chischnès, vischnanca da Sumvitg

Project d'exposiziun dal mars 2024

1. Lieu e termin da l'exposiziun

Il project d'exposiziun vegn – sin basa da l'art. 16 al. 1 da la lescha chantunala davart il guaud (LCG; DG 920.100) – exponì publicamain dals 3 da matg 2024 fin als 3 da zercladur 2024 tar l'uffizi da guaud e privels da la natira, Ringstrasse 10, 7001 Cuir, sco er tar l'administraziun communal da Sumvitg, Via Quadras Su 10, 7175 Sumvitg, durant las uras d'avertura dals biros. Durant il temp d'exposiziun pon ils documents exponids er vegnir consultads e chargiads giu sut www.wald-naturgefahren.gr.ch > Actualitads.

2. Dumondas da permissiuns spezialas

Las suandantas dumondas èn ina part dal project d'exposiziun:

- Dumonda da permissiun per prelevar aua sur il diever d'ina aua currenta tenor l'art.4 ed 29-36 da la lescha federala davart la protecziun da las auas (LPAuas; CS 814.20);
- Dumonda da permissiun per inducir u per laschar sfundrar l'aua persa smerdada en in'aua tenor l'art. 7 al. 1 da la lescha federala davart la protecziun da las auas (LPAuas; CS 814.20);

3. Restricziun dal dretg da disponer

A partir dal di che l'exposiziun è vegnida publitgada uffizialmain dovran ils projects da construcziun entaifer il territori ch'è cumpiglià dal project ina permissiun dal departament d'infrastructura, energia e mobilitad dal Grischun. Quella vegn concedida, sch'il project da construcziun n'ha naginas consequenzas engrevgiantas per acquistar terren u per realisar il project (art. 17 al. 1 LCG).

4. Protestas

4.1 Legitimaziun

Tgi ch'è pertutgà dal project d'exposiziun e po far valair in interess degn da vegnir protegì per abolir u per midar quel, ha il dretg da far protesta. Il dretg da far protesta han plinavant las vischnancas pertutgadas e tgi ch'è autorisà tras il dretg federal da far quai (art. 18 al. 2 LCG).

4.2 Objecziuns

I pon vegnir fatgas valair:

- a) protestas cunter il project, spezialmain protestas cunter il project da construcziun e cunter las dumondas per ulteriuras permissiuns ch'èn colliadas cun quai sco er cunter in'eventuala expropriaziun e cunter la dimensiun da quella (art. 18 al. 3 lit. a LCG);
- b) dumondas d'indemnisaziun, en spezial pretensiuns per ils dretgs che vegnan fatgs valair ed autras pretensiuns che resultan dal dretg chantunal d'expropriaziun (art. 18 al. 3 lit. b LCG). La rectificaziun da questas dumondas vegn fatga suenter l'approvaziun dal project en la procedura per l'acquist da terren (art. 20 al. 1 LCG).

4.3 Termin ed adressat

Protestas ston vegnir inoltradas entaifer il termin d'exposiziun cun ina curta motivaziun al departament d'infrastructura, energia e mobilitad dal Grischun, Ringstrasse 10, 7001 Cuira.

Sche pretensiuns d'indemnisaziun vegnan fatgas valair posteriuramain, ston vegnir observadas las consequenzas da la negligentscha tenor l'art. 17 da l'ordinaziun chantunala d'expropriaziun (OExp; DG 803.110).

5. Infurmaziuns

Infurmaziuns davart il project d'exposiziun dat l'uffizi da gaud e privels da la natira, regiun Surselva (Flurin Cathomas) durant las uras da biro (tel. 081 257 62 70).

Cuira, ils 29 d'avrigl 2024

Uffizi da gaud e privels da la natira
Il selvicultur chantunal, *Urban Maissen*

Uffizi da gaud e privels da la natira
Il selvicultur chantunal:



Urban Maissen

Glista da distribuziun:

- fegl uffizial dal chantun Grischun per la publicaziun dals 5 da matg 2024
- Fegl Uffizial Surselva per la publicaziun dals 5 da matg 2024
- administraziun communal da Sumvitg, Via Quadras Su 10, 7175 Sumvitg
- uffizi da gaud e privels da la natira, regiun Surselva, 7130 Glion
- Departament d'infrastructura, energia e mobilitad dal Grischun